



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Episcopi legationis suæ literas proferebant in exordio Concilij. Suo tamen tantùm nomine subscribebant, quòd jus sententiæ haberent jure proprio. Hunc ordinem tenuit Osius. Archidamus & ...

urn:nbn:de:hbz:466:1-15617

legatio, quæ Metropolitis & Patriarchis praesesse debebat, duobus Presbyteris sine Episcopo, qui caput esset legationis, impuneretur. Si quis opponat epistole synodice Concilij subscripte Episcopos ordine, *Osius ab Hispania, Iulius Roma, per Archidamum & Philoxenum, Protagenes Sardice*, unde colligi videatur solos Archidamum & Philoxenum legationis munere ornatos, respondendum mihi videtur id factum eodem consilio quo Flavianus Philippensem in Macedonia Episcopus sententia à Synodo Ephesina late adversus Nestorium subscriptis, nulla mentione facta legationis quam à Rufo Thessalonicensi Episcopo & à synodo Illyricana suscepit: *Flavianus Philippensem Episcopum unā cum sancta synodo decernens subscripti.* Atqui actione prima Concilij Flavianus dicitur vices gestissim Rifi Thessalonicensium Episcopi, qui morbo detentus, ad synodum accedere non potuerat.

II. Scilicet eum ordinem servabant patres, ut Episcopi legationis suæ literas proferrent in ipso Concilij exordio, unde constare poterat an suo tantum vel etiam alieno nomine sententiam ferrent, quod in Acta referebatur, quemadmodum superius adnotavimus ex Concilio Carthaginensi, & nunc ex Concilio Ephesino. Deinde suo tantum nomine subscribebant, minus sollicitos se de legatione imposita præstantes, quia jure proprio suffragium ferre sibi liberum esse ducebant. Hunc ordinem tenuit Osius: qui veteris legationis furet, quæ fortasse renovata erat à Iulio, satis habuit nomen proprium inscribere; de cuius munere aliunde constabat. At verò Archidamus & Philoxenus Presbyteri, quibus nulla ratio suffragabatur alia, præter legationem, cur synodo intercesserent, Iulij nomine subscripterunt. Ceterum, quam alienus esset Osius à minuenda sedis apostolica dignitate & auctoritate, inde constat manifestissime, quod eo referente, in hoc ipso Sardicensi Concilio de appellationibus dejectorum Episcoporum ad Episcopum Romanum ex tota Ecclesia deferendis, & de Legatis ad judicia retractanda mitendis, sancitum est, eoque subscripte patres Concilij omnia negotia ad sedem apostolicam tanquam ad caput Ecclesiarum referenda esse professi sunt. Itaque ex Osijs scriptis de Osijs gestis judicium feratur, & de laesa apostolica sedis dignitate illius acerrimus vindicta modo periclitabitur.

III. Cum Synodus secunda Oecumenica, ex solis Orientis Episcopis conflata, nullis ornata fuerit Romanæ Ecclesiæ Legatis, non est quod de eorum consensu disputemus. Relatione ad Romanam Ecclesiam totius-

que Occidentis synodus facta, atque mutuo Orientis & Occidentis consensu, Macedonij haeresis ceteraque pravorum dogmatum pestes extinctæ sunt, & Concilium illud Oecumenici auctoritate per universam Ecclesiam celebratum est.

IV. In tertia Synodo Oecumenica seu Ephesina extat splendidissimum legationis exemplum. Cyrus Alexandrinus vices agens Celestini, trésque alij sibi adjuncti Legati à Celestino ad synodum missi, huic ornatissimo Concilio præfuerunt. Nestorius Constantinopolitanus Episcopus admissa societate quadam naturæ divinæ in Christo, personæ unitatem perfide inficiabatur. Ea de re monitus à Cyrillo, eò prorupit audacie, ut Romanis auribus hanc blasphemiam ingereret. Disputatione tota ad Celestinium delata, ille Concilium Romanum contrahit, Nestoriisque universalis Ecclesie communione multat, nisi intra decem dies à die conventionis numerandos scripto sacrilegam novitatem condemnet. Sed quia presentiam suam necessariam videbat Celestinus ad sententia executionem, ob gratiam qua Nestorius apud aulicos flagrabat, vices suas Cyrillo Alexandrino delegavit. Et quia nostra, inquit ille, in tanto negotio propemodum presentia necessaria videbatur, vicem nostram proper marina & terrena spatiis ipsi sancto fratri meo Cyrillo delegavimus, ne morbus iste longidinis occasione graffetur. Ad ipsum verò Cyrilum literis datis, non solum vicem suam illi, sed etiam locum, & sedis sue auctoritatem mandavit: Quamobrem nostra sedis auctoritate adscita, nostraque vice & loco cum potestate usus, ejusmodi, non absque exquisita severitate, sententiam exequaris. Hanc legationem Cyrillus avide arripuit, ut majori pondere Nestorium dejiceret, & perfidiam sacrilegam ulciceret. Itaque synodo Aegyptiacæ Diceceos Alexandriæ coacta, ex ejus sententia Nestorium per epistolam synodicam contestatur, unā cum Synodo Romana cui Celestinus presuit, ut juxta tempus à Pontifice definitum resipisceret. Ipsa quoque synodus Ephesina Celestimum vices suas Cyrillo commisit, docuit in relatione ad Imperatores.

V. Ista quidem urunt Novatores. Sed excipiunt vices suas mandasse Cyrillo Pontificem ante coactam synodum Ephesinam. Verum illà à Theodosio indicata, coactam quoque Romæ à Celestino alteram synodum Occidentalium Episcoporum, in qua priore contra Nestorium confirmato decreto, alias literas ad synodum Ephesinam Celestinus dedit per Arcadium & Projectum Episcopos & Philippum Presbyterum, qui ejus presentiam supplerent, aīā mānū pōrtas rīū māp-

c. i. Concil.
Sardic.

Episc. synod. Con-
ciliij Sardic. ad Iu-
lium.

Vide infra cap. 10.
Iulus libri 5. §. 8.
cap. 11. §. 11.